



(Мазкур ҳужжат рус тилида қабул қилинган ва ўзбек тилига таржима қилинган. Рус ва ўзбек тилларидаги матнлар ўртасида номутаносиблик юзага келган тақдирда ҳужжатнинг рус тилидаги таҳриридан фойдаланилади.)

**“Ўзбекистон республика товар-хом ашё биржаси” акциядорлик жамияти
Акциядорлар умумий йиғилишининг
2023 йил 18 мартағи қарори билан
ТАСДИҚЛАНГАН**

(23.03.2023 йилдаги йиғилиш баённомаси)

**“ЎЗБЕКИСТОН РЕСПУБЛИКА ТОВАР-ХОМ АШЁ БИРЖАСИ”
АКЦИЯДОРЛИК ЖАМИЯТИНИНГ
АКЦИЯДОРЛАРНИНГ УМУМИЙ ЙИҒИЛИШИ ТҮҒРИСИДАГИ
НИЗОМИ**

(яңги таҳрирда)

Тошкент-2023

“ЎзРТХБ” АЖНИНГ АКЦИЯДОРЛАРНИНГ УМУМИЙ ЙИФИЛИШИ ТҮҒРИСИДАГИ НИЗОМИ

Мундарижа

1.	Умумий қоидалар	2
2.	Акциядорлар умумий йиғилишининг ваколатлари	3
3.	Акциядорларнинг умумий йиғилишида иштирок этиш хукуқи. Акциядорлар ва уларнинг ваколатли вакилларини рўйхатга олиш.....	5
4.	Акциядорларнинг йиллик умумий йиғилишига тайёргарлик кўриш.....	7
5.	Акциядорларнинг навбатдан ташқари умумий йиғилишига тайёргарлик кўриш.....	10
6.	Умумий йиғилишнинг кворуми	12
7.	Умумий йиғилишнинг ишчи органлари.....	12
8.	Умумий йиғилишни ўтказиш тартиби	14
9.	Акциядорлар умумий йиғилишининг баённомаси.....	14
10.	Акциядорлар умумий йиғилиши қарорини ижро этиш	15
11.	Якуний қоидалар	16
	Иловалар.....	17

I. УМУМИЙ ҚОИДАЛАР

1.1. Ушбу Низом “ЎзРТХБ” АЖ Акциядорлари умумий йиғилишининг (бундан буён матнда - Биржа) мақоми ва ваколатини белгилайди, Акциядорларнинг умумий йиғилишини ташкиллаштириш, чақириш ва ўтказиш муддатларини ҳамда шартларини, шунингдек қарор қабул қилишни тартибга солади.

1.2. Акциядорларнинг умумий йиғилиши Биржанинг олий бошқарув органи ҳисобланади.

1.3. Низом Ўзбекистон Республикасининг “Акциядорлик жамиятлари ва акциядорларнинг хуқуқларини ҳимоя қилиш түғрисида” ги Қонунига, бошқа нормативхуқуқий хужжатларга ва Биржанинг Уставига мувофиқ ишлаб чиқилган.

1.4. Биржа акциядорларнинг йиллик (навбатдаги) умумий йиғилишини ўтказиши шарт. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик (навбатдаги) умумий йиғилиши одатда ҳар йили март ойидан май ойигача бўлган даврда ўтказилади. Шу билан бирга, Кузатув Кенгаши мавжуд вазиятдан келиб чиқиб, акциядорларнинг умумий йиғилиши санасини кўриб чиқиш ва йиғилишга бошқа санани тайинлаш хуқуқига эга.

1.5. Акциядорларнинг йиллик умумий йиғилишида қуйидаги масалалар ҳал этилади:

- Кузатув кенгаши ва Тафтиш комиссиясини сайлаш (агар мавжуд бўлса);
- Биржанинг бошқарув раиси ва аъзолари билан шартномани узайтириш, қайта тузиш ёки бекор қилиш;

- Биржанинг ривожланиш стратегиясига эришиш учун кўрилган/кўрилаётган чоратадбирлар түғрисида Биржанинг йиллик ҳисботини, Кузатув Кенгаши ва биржанинг ижро органи ҳисботларини тасдиқлаш;

- биржанинг фойда ва зарарларининг тақсимланиши;

- зарур ҳолларда Ўзбекистон Республикаси қонунчилигига, биржанинг Уставига, ушбу Низомга мувофиқ Акциядорларнинг умумий йиғилиши ваколатига тааллуқли бўлган бошқа масалалар.

1.6. Акциядорларнинг йиллик умумий йиғилишидан ташқари ўтказиладиган йиғилишлари Акциядорларнинг навбатдан ташқари йиғилишлари деб ҳисобланади.

1.7. Акциядорлар умумий йиғилишини ўтказиш санаси ва тартиби, уни ўтказиш ҳакида акциядорларни хабардор қилиш тартиби ва Акциядорларнинг умумий йиғилишига тайёргарлик кўришда акциядорларга тақдим этиладиган материаллар (ахборот) рўйхати Биржанинг Кузатув Кенгаши томонидан белгиланади, Акциядорларнинг умумий йиғилиши акциядор (акциядорлар)нинг ташаббуси билан чақирилган ҳоллар бундан мустасно.

II. АКЦИЯДОРЛАР УМУМИЙ ЙИҒИЛИШИННИНГ ВАКОЛАТЛАРИ

2.1. Акциядорлар умумий йиғилишининг ваколатига қўйидагилар киради:

2.1.1. Биржанинг Уставига ўзгартериш ва қўшимчалар киритиш ёки Уставнинг янги таҳририни тасдиқлаш, ўз капитали ҳисобига Биржанинг устав капитали ошиши муносабати билан ўзгартиришлар киритилган ҳоллар бундан мустасно;

2.1.2. Биржани қайта ташкил этиш;

2.1.3. биржани тугатиш, тугатувчини (тугатиш комиссиясини) тайинлаш ва даврий ва якуний тугатиш балансларини тасдиқлаш;

2.1.4. Кузатув Кенгаши аъзолари сонини аниқлаш, Кузатув Кенгаши аъзоларига қўйиладиган малакавий талаблар, унинг аъзоларини сайлаш ва уларнинг ваколатларини муддатидан илгари тугатиш. Кузатув Кенгаши аъзоларига мукофот пуллари ва компенсациялар тўлаш;

2.1.5. эълон қилинган акцияларнинг максимал миқдорини аниқлаш;

2.1.6. эълон қилинган Акциялар сони доирасида қўшимча акцияларни жойлаштириш орқали Биржанинг устав капиталини ошириш;

2.1.7. Биржанинг устав капиталини камайтириш;

2.1.8. ўз акцияларини сотиб олиш;

2.1.9. биржанинг ташкилий тузилмасини тасдиқлаш;

2.1.10. ижро органини шакллантириш, бошқарув раиси ва аъзоларини сайлаш (тайинлаш);

2.1.11. Биржанинг Тафтиш комиссияси аъзоларини сайлаш ва уларнинг ваколатларини муддатидан илгари тугатиш, шунингдек Тафтиш комиссияси тўғрисидаги низомни тасдиқлаш. Тафтиш комиссияси аъзоларига мукофот пуллари ва компенсациялар тўлаш;

2.1.12. Биржанинг йиллик ҳисботларини тасдиқлаш, шунингдек, Биржа фаолиятининг асосий йўналишлари ва мақсадларидан келиб чиқиб, Биржанинг ўрта ва узоқ муддатли ривожланиш стратегиясини маълум муддатга тасдиқлаш;

2.1.13. Кузатув Кенгашининг ҳисботларини ва Биржанинг Тафтиш комиссиясининг (агар мавжуд бўлса) ўз ваколатлари доирасидаги масалалар, шу жумладан Биржани бошқариш бўйича қонунчилик талабларига риоя қилиш бўйича хуносаларини эшитиш;

2.1.14. биржанинг фойда ва зарарларини тақсимланиши;

2.1.15. дивидендлар тўлаш тўғрисида қарор қабул қилиш, дивиденд миқдори, ҳар бир турдаги акциялар бўйича дивиденд тўлаш шакли ва тартиби;

2.1.16. мажбурий аудиторлик текшируванинг ўтказиш учун аудиторлик ташкилотининг аниқлаш, унинг хизматлари учун тўловнинг энг кўп миқдорини белгилаш ва у билан шартнома тузиш (бекор қилиш) тўғрисида қарор қабул қилиш;

2.1.17. халқаро молиявий стандартларга мувофиқ йиллик молиявий ҳисоботларни эълон қилишга ўтиш учун малакали аудиторлик ёки консалтинг ташкилотини жалб қилиш тўғрисида қарор қабул қилиш. Шу билан бирга, Кузатув Кенгаши МХХСга мувофиқ молиявий ҳисоботларнинг ўз вақтида ошкор этилишини назорат қилиши шарт;

2.1.18. акциядорлар умумий йиғилишининг регламентини тасдиқлаш;

2.1.19. акцияларни майдалаш ва йириклиштириш;

2.1.20. Баланс қиймати ёки сотиб олинган мол-мулк қиймати Биржанинг соғ активларининг эллик фоизидан кўпроғини ташкил этадиган мол-мулк билан боғлиқ йирик битимни “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикаси Қонуни 8-боби асосида тузиш тўғрисида қарор қабул қилиш;

2.1.21. Биржанинг аффилланган шахслари билан Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 9-боби асосида битим тузиш тўғрисида қарор қабул қилиш.

2.1.22. аффилланган шахслар билан тузилган битимлар ва йирик битимлар ижро органи томонидан мустақил тузилиши учун Биржанинг жорий фаолияти билан боғлиқ битимларни аниқлаш;

2.1.23. корпоратив бошқарув кодексининг тавсияларига риоя этиш тўғрисида қарор қабул қилиш ва алоқа шаклини тасдиқлаш;

2.1.24. Биржанинг бошқарув органлари, шу жумладан ички назорат, дивиденд сиёсати ва манфаатлар тўқнашувида амалга ошириладиган ҳаракатлар тартиби тўғрисидаги низомни тасдиқлаш;

2.1.25. бизнес-жараёнлар ва лойиҳаларнинг биржанинг ривожланиш максадларига мувофиқлиги бўйича маслаҳатчилар - мустақил ташкилотларни жалб қилган ҳолда таҳлил ўтказиш тўғрисида йиллик қарор қабул қилиш;

2.1.26. ҳомийлик (хайрия) ёки беғараз ёрдам кўрсатиш (олиш) тартиби ва шаклини белгилаш, уни амалга ошириш ваколатларини Кузатув Кенгашига ўтказиш тўғрисида қарор қабул қилиш;

2.1.27. электрон почта орқали (электрон имзо билан тасдиқланган ҳолда) овоз бериш тартибини, шу жумладан ўзининг ваколатларини вакилга ўтказиш ёки видеоконференция орқали умумий йиғилишни ўтказиш тартибини белгилаш (тасдиқлаш);

2.1.28. Саноқ комиссиясига амалий ёрдам кўрсатиш ёки унинг функцияларини бажариш учун мустақил экспертларни (шу жумладан, инвестиция маслаҳатчиси ёки қимматли қоғозлар бозорининг бошқа профессионал иштирокчисини) аниқлаш (тасдиқлаш) тартибини белгилаш.

2.1.29. миноритар акциядорлар кўмитасининг харажатларини қоплаш (миноритар акциядорлар кўмитаси ташкил этилган тақдирда) тартибини аниқлаш (тасдиқлаш);

2.1.30. “ЎзРТХБ” АЖ Бошқарув аъзоларини сайлаш масаласида акциядор вакили вазифасини бажарувчи ижро органи аъзоларининг овоз бериш ҳуқуқига чекловлар ўрнатиш;

2.1.31. “ЎзРТХБ” АЖ мансабдор шахсларига корпоратив бошқарув кодекси тавсияларига ёки кодексда назарда тутилган ошкор этилмаган маълумотларга риоя қилмаганлик учун жавобгарлик чораларини белгилаш;

2.1.32. қонун хужжатларига мувофиқ бошқа масалаларни ҳал этиш.

2.2. Акциядорлар умумий йиғилишининг мутлақ ваколатларига кирувчи масалалар бўйича қарор қабул қилиш Кузатув Кенгашига ва Биржанинг ижро органига берилиши мумкин эмас.

2.3. Куйидаги масалалар бўйича қарорлар Акциядорлар умумий йиғилишида акциядорлар умумий сонининг тўртдан уч қисми - акциядорлар умумий йиғилишида иштирок этувчи овоз бериш акцияларининг эгалари (тегишли малакага эга бўлган кўпчилик) овози билан қабул қилинади:

- биржанинг Уставига ўзгартириш ва қўшимчалар киритиш ёки биржанинг Уставини янги таҳрирда тасдиқлаш;

- биржани қайта ташкил этиш;

- биржани тугатиш, тугатувчини тайинлаш (тугатиш комиссияси) ва оралиқ ва якуний тугатиш балансларини тасдиқлаш;

- эълон қилинган акцияларнинг энг кўп миқдорини белгилаш;

- Кузатув Кенгашининг ҳисоботларини ва биржанинг Тафтиш комиссиясининг (агар мавжуд бўлса) ўз ваколатлари доирасидаги масалалар бўйича хулосаларини эшлиши, шу жумладан биржани бошқариш бўйича қонунчилик талабларига риоя қилиш;

- Биржа томонидан йирик битимларни тузиш;

- Биржа томонидан аффилланган шахслар билан битимларни тузиш;

2.4. Овозга қўйилган бошқа масалалар бўйича қарорлар Акциядорларнинг умумий йиғилишида иштирок этувчи биржанинг овоз берувчи акциялари эгалари - акциядорларнинг кўпчилик овози (оддий кўпчилик) билан қабул қилинади.

2.5. Акциядорларнинг умумий йиғилиши акциядорлар, Кузатув Кенгashi аъзолари ва назорат қилувчи органлар ўртасида ўзаро ишонч, хурмат, ҳисобдорлик ва назорат асосидаги шерикликни таъминлайди.

2.6. Акциядорларнинг умумий йиғилиши ўз улуши, даромад даражаси, жинси, ирки, дини, миллати, тили, ижтимоий келиб чиқиши, шахсий ва ижтимоий мавқеидан қатъий назар, барча акциядорларга тенг муносабатда бўлишни таъминлайди.

III. АКЦИЯДОРЛАРНИНГ УМУМИЙ ЙИҒИЛИШИДА ИШТИРОК ЭТИШ ХУҚУҚИ. АКЦИЯДОРЛАР ВА УЛАРНИНГ ВАКОЛАТЛИ ВАКИЛЛАРИНИ РЎЙХАТГА ОЛИШ

3.1. Акциядорларнинг умумий йиғилиши расман эълон қилинган санадан уч календарь кун олдин шакллантирилган Биржанинг акциядорлари реестрида рўйхатга олинган акциядорлар Акциядорларнинг умумий йиғилишида иштирок этиш хуқуқига эга ҳисобланади.

3.2. Акциядорнинг талабига кўра, Биржа унга Акциядорларнинг умумий йиғилиши учун шакллантирилган акциядорлар реестрига киритилганлиги тўғрисида маълумот тақдим этиши шарт.

3.3. Биржа акциядорларнинг умумий йиғилишида иштирок этувчи шахсга ўз маблағи ҳисобидан тўлдирилган сайлов бўллетенининг нусхасини олиш имкониятини беради.

3.4. Жамият акциядорлари реестрига ўзгартириш ва қўшимчалар киритишга йўл қўйилмайди, белгиланган реестрга уни шакллантириш санасида киритилмаган шахсларнинг бузилган хукуқларини тиклаш ёки шакллантириш вақтида йўл қўйилган хатоларни қонун хужжатларида белгиланган тартибда тузатиш бундан мустасно.

3.5. Акциядорларнинг умумий йиғилишида биржанинг акциядорлари реестрида рўйхатга олинган акциядорлар, уларнинг ваколатли вакиллари, биржанинг ички аудит хизмати ходимлари, Биржанинг саноқ комиссияси, аудиторлик текширувани ўтказган аудиторлик ташкилоти вакили, биржанинг Кузатув Кенгаши ва ижро органлари аъзолари (агар бюллетенларга Кузатув Кенгаши ва Биржанинг назорат органларига сайлаш бўйича овоз бериш учун киритилган номзодлар мухокама) қилинган тақдирда), шунингдек Миноритар акциядорлар қўмитаси (мавжуд бўлган тақдирда), Кузатув кенгаши раисининг тақлифига биноан бошқа шахслар иштирок этиши мумкин.

3.6. Биржанинг Кузатув Кенгаши, ижро органи шунингдек аудиторлик текширувани ўтказган аудиторлик ташкилотининг вакили акциядорларнинг умумий йиғилишида ўз органининг ҳисоботи билан иштирок этиши шарт.

3.7. Умумий йиғилишда иштирок этиш учун акциядорлар ёки уларнинг ваколатли вакиллари йиғилиш баённомасида кўрсатилган жойда ва вактда рўйхатдан ўтишлари керак.

3.8. Акциядорларнинг умумий йиғилишида иштирок этиш учун келган жисмоний шахсларни паспорт ёки акциядор шахсини тасдиқловчи бошқа ҳужжат тақдим этилганда, вакилни нотариус томонидан тасдиқланган ишончномага кўра рўйхатга олиш амалга оширилади.

3.9. Акциядорларнинг умумий йиғилишида Биржанинг акциядори бўлган юридик шахс раҳбари ўз ваколатларини лавозимга тайинланиши тўғрисидаги ҳуқуқий ҳужжат асосида ва шахсини тасдиқловчи ҳужжат асосида амалга оширади.

3.10. Акциядорнинг вакили - юридик шахс ўз номига ташкилотнинг раҳбари ёки қонунчиликка мувофиқ ваколат берилган бошқа шахснинг имзоси билан берилган ушбу ташкилотнинг мухри билан тасдиқланган ишончномага эга бўлганда, акциядорларнинг умумий йиғилишида иштирок этиши мумкин.

3.11. Акциядор исталган вақтда Акциядорларнинг умумий йиғилишида ўз вакилини алмаштириши ёки унда шахсан ўзи иштирок этиши мумкин.

3.12. Биржанинг акциядорлари реестрига мувофиқ рўйхатга олиш рўйхати 1-иловадаги шаклда тузилади. Рўйхатга олиш рўйхати жамланиши, рақамланиши, тикилиши ва Биржа мухри билан муҳрланиши керак.

3.13. Умумий йиғилишни ўтказиш давомида акциядорлар (уларнинг вакиллари) Биржанинг акциядорлари реестрига мувофиқ белгиланган ҳар бир акциядорнинг овоз бериш акцияларининг сони асосида овоз бериш учун рўйхатга олиш рўйхатини имзолайдилар ва бюллетенлар тўпламини оладилар (2-илова).

3.14. Агар йиғилиш иштирокчиси бир ёки бир нечта акциядорларнинг манфаатларини акс эттириш учун ишончнома тақдим этган бўлса, у ўз манфаатларини ифода этадиган акциядор (акциядорлар)нинг овоз бериш бюллетенини ва рўйхатга олиш рўйхатида, у томонидан тақдим этилган акциядорнинг номи ёнида, “_____” йилда берилган ишончномага мувофиқ _____ та (сони) овоз бериш акциялари” ёзуви киритилади, шунингдек, вакилнинг фамилияси, исми, отасининг исми кўрсатилади.

3.15. Номинал ушлаб турувчи Акциядорларнинг умумий йиғилишида акцияларни ушлаб туриш топширигини берган шахс билан тузилган шартномага мувофиқ иштирок этади;

3.16. Агар жамиятнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан

амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

3.17. Акциядорларнинг умумий йиғилишида кун тартибидаги масалалар бўйича овоз бериш овоз бериш бюллетенлари орқали ёки ахборот-коммуникация технологияларидан фойдаланган ҳолда масофадан туриб амалга оширилади.

Акциядорларнинг умумий йиғилишида кун тартибидаги масалалар бўйича ахбороткоммуникация технологияларидан фойдаланган ҳолда масофадан туриб овоз берилганда овоз бериш бюллетенларидан фойдаланилмайди. Бунда овозга қўйилган масалалар бўйича қабул қилинган қарорнинг қонунийлиги акциядорни акциядорларнинг умумий йиғилишида иштирок этиш учун рўйхатга олишда фойдаланиладиган электрон рақамли имзо билан тасдиқланади.

IV. АКЦИЯДОРЛАРНИНГ ЙИЛЛИК УМУМИЙ ЙИҒИЛИШИГА ТАЙЁРГАРЛИК КЎРИШ

4.1. Акциядорларнинг умумий йиғилишини ушбу низомнинг 1.4-бандида кўрсатилган муддатда ва тайёргарликни сифатли ўтказиш мақсадида Биржанинг ижро органи корпоратив маслаҳатчи билан биргаликда қўйидагиларни амалга оширади:

- Акциядорларнинг умумий йиғилиши қарори билан танланган аудиторлик ташкилоти билан аудиторлик шартномасини тузиш, шунингдек, халқаро молиявий ҳисбот стандартларига мувофиқ молиявий ҳисботларни тайёрлаш, халқаро молиявий ҳисбот стандартларига мувофиқ аудиторлик шартномаси бўйича ташқи аудитни тугатиш учун аниқ муддатни белгилаш;
- халқаро молиявий ҳисбот стандартларига мувофиқ тайёранган молиявий ҳисботларнинг ташқи аудитини ўтказгандан сўнг, уларни ҳар йили акциядорлар умумий йиғилиши ўтказиладиган санадан икки ҳафта олдин эълон қилинишини таъминлаш;

Шунингдек, Биржанинг ижро органи қўйидагиларни ишлаб чиқади (тайёrlайди):

- умумий йиғилиш регламенти, соф фойданинг тақсимланишида (зарарларни қоплашда), ҳар бир йўналишнинг асосланганлиги, умумий йиғилишда кўриб чиқилган бошқа ҳужжатлар, шунингдек саноқ комиссиясини шакллантириш бўйича таклифлар лойиҳаси. Биржа акциядорларининг Акциядорларнинг умумий йиғилиши кун тартибига киритиш бўйича таклифлари, шунингдек Биржанинг Кузатув Кенгашига қўйилган номзодлар тўғрисидаги тўғрисидаги, шунингдек бошқа маълумотлар;
- Биржанинг йиллик ҳисботлари, шунингдек, Биржа фаолиятининг асосий йўналишлари ва мақсадлари, Биржани аниқ муддатга белгиланган ўрта ва узоқ муддатли ривожланиш стратегияси;
- Биржанинг бизнес-режаси кўрсаткичларини амалга ошириш ва аудитни ўтказиш учун аудиторлик ташкилотини танлаш бўйича танлов ўтказиш, ривожланиш стратегиясига эришиш бўйича кўрилган чора-тадбирлар юзасидан ижро органининг ҳисботи.

4.2. Биржанинг ижро органи ушбу Низомнинг 4.1-банди иккинчи қисмида кўрсатилган материалларни ишлаб чиққандан (тайёrlагандан) сўнг уларни Кузатув Кенгашига кўриб чиқиш ва муҳокама қилиш учун тақдим этади.

4.3. Акциядорларнинг умумий йиғилишига тайёргарлик кўрилаётганда Биржанинг Кузатув Кенгаши қўйидагиларни аниqlайди:

- умумий йиғилиши ўтказиш санаси, жойи ва вақтини;
- умумий йиғилиш кун тартибини;

- Акциядорларнинг умумий йиғилиши ўтказиш ва акциядорларни хабардор қилиш учун Биржанинг акциядорлари реестрини шакллантириш санасини;
- Умумий йиғилиш ўтказилиши ҳақида акциядорларни хабардор қилиш тартибини;
- Умумий йиғилишга тайёргарлик кўришда акциядорларга тақдим этиладиган маълумотлар (материаллар) рўйхатини;
- овоз бериш бюллетенининг шакли ва матнини;
- акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартиби

4.4. Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан йигирма бир кундан кам ва ўттиз кундан кўп этиб белгиланиши мумкин эмас.

4.5. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотнинг ягона порталида, Биржанинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

4.6. Акциядорларнинг умумий йиғилишини ўтказиш тўғрисидаги хабарда кўйидагилар кўрсатилиши керак:

- Биржанинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;
- Биржа акциядорларининг реестри шакллантириладиган сана;
- умумий йиғилиш кун тартибига киритилган масалалар;
- умумий йиғилишни ўтказишга тайёргарлик кўрилаётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби;
- акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартиби.

4.7. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) Биржанинг йиллик ҳисботи, Биржанинг йиллик молия-хўжалик фаолиятини текшириш натижалари юзасидан аудиторлик ташкилотининг хulosаси, Биржа кузатув кенгашининг Бошқарув раиси билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги хulosаси, шунингдек Биржанинг кузатув кенгаши номзодлар тўғрисидаги маълумотлар, Биржанинг уставига киритиладиган ўзгартиш ва қўшимчалар лойиҳаси ёки жамиятнинг янги таҳрирдаги устави лойиҳаси, умумий йиғилиш кун тартиби бўйича кузатув кенгашининг фикри.

Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

Акциядорларга берилиши лозим бўлган ахборотдан (материаллардан) акциядорларнинг умумий йиғилишида иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар акциядорларнинг умумий йиғилиши ўтказилгунига қадар ва уни ўтказиш вақтида фойдалана олиш имкониятига эга бўлиши керак.

4.8. Агар Биржанинг акциядорлари реестрида рўйхатдан ўтган шахс акциялар номинал сақловчиси бўлса, умумий йиғилиш тўғрисидаги хабарнома акциялар номинал сақловчисига юборилади. Акциялар номинал сақловчиси бу хабарномани қонун хужжатларида ёки мижоз билан тузилган шартномада белгиланган тартибда ва муддатларда ўз мижозлари эътиборига етказиши шарт.

4.9. Биржа акциядорлари умумий йиғилишининг кун тартибига таклифлар (3-иловада кўрсатилган шаклда) биржанинг овоз берувчи акцияларининг камидা бир фоизига эгалик қилувчи акциядорлар томонидан, биржанинг молиявий йили тугаганидан кейин 90 кундан кечиктирмасдан юборилади. Мазкур акциядорлар шунингдек акциядорларнинг йиллик умумий йиғилиши кун тартибига масалалар қўйиш ва биржанинг Кузатув Кенгашига номзодлар кўрсатиш ҳуқуқига эга бўлиб, уларнинг сони ушбу органлар сонидан ошмаслиги лозим, кузатув кенгашининг мустақил аъзолигига номзодлар кўрсатиш бундан мустасно.

Акциядорлар (акциядор) жамият кузатув кенгashi ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

4.10. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади. Биржа кузатув кенгашига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод Биржа акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

4.11. Биржанинг кузатув кенгashi тушган таклифларни кўриб чиқиши ҳамда ушбу Низомнинг 4.9-бандида белгиланган муддатдан 10 кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қабул қилиши шарт.

4.12. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар Биржанинг кузатув кенгашига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

озов бериш учун номзодлар рўйхатига киритилиши керак, қуйидаги ҳоллар бундан мустасно:

мазкур Низомнинг 4.9-бандида белгиланган муддатга акциядорлар (акциядор) томонидан риоя этилмаган бўлса;

акциядор (акциядорлар) мазкур Низомнинг 4.9-бандида назарда тутилган миқдордаги овоз берувчи акцияларининг эгаси бўлмаса;

мазкур Низомнинг 4.10-бандида назарда тутилган маълумотлар тўлиқ бўлмаса;

таклифлар қонунчилик талабларига мувофиқ бўлмаса.

4.13. Биржанинг Кузатув Кенгашига сайлов бўйича овоз бериш учун номзодлар рўйхатига номзод киритишни, Акциядорлар умумий йиғилиши кун тартибига киритиладиган бирор масалани асосли рад этиш тўғрисидаги биржа Кузатув Кенгашининг қарори қабул қилинган кундан бошлаб уч иш кунидан кечиктирмай, таклифни тақдим этган акциядорга (акциядорларга) юборилади.

4.14. Биржа кузатув кенгашининг масалани акциядорлар умумий йиғилишининг кун тартибига ёки номзодни Биржа кузатув кенгашига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

V. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШИГА ТАЙЁРГАРЛИК КЎРИШ

5.1. Акциядорларнинг навбатдан ташқари умумий йиғилиши жамият кузатув кенгашининг қарорига кўра қуидаги асосларга кўра ўтказилади:

- ўз ташаббусига кўра;
- ёзма талаб тақдим этилган санада овоз берувчи акцияларининг камидаги беш фоизига эгалик қилувчи акциядорнинг (акциядорларнинг) ёзма талаби асосида ўтказилади (4-илова).

5.2. Акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг кузатув кенгаши томонидан амалга оширилади.

5.3. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

5.4. Биржанинг кузатув кенгашининг ёки жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифига ўзгартишлар киритишга ҳақли эмас.

5.5. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиқсан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

5.6. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

5.7. Жамият овоз берувчи акцияларининг камидаги беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичida Биржа кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак

5.8. Жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қуидаги ҳолларда қабул қилиниши мумкин, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) ушбу Низомнинг 5.1-бандида назарда тутилган миқдордаги жамият овоз берувчи акцияларининг эгаси бўлмаса;

- кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;
- кун тартибига киритиш учун таклиф этилган масала Ўзбекистон Республикасининг “Акциядорлик жамиятлари ва акциядорларнинг хуқуқларини ҳимоя қилиш тўғрисида”ти Конуни талабларига мувофиқ бўлмаса.

5.9. Кузатув Кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки уни чақиришни рад этиш тўғрисидаги асосли қарори қабул қилинган кундан эътиборан уч иш кунидан кечиктирмай йиғилиш чақирилишини талаб қилаётган шахсларга юборилади.

5.10. Жамият қузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

5.11. Бирж Кузатув кенгаши 10 кун ичида акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни мазкур Низомнинг 5.7-бандида кўрсатилмаган важларга кўра рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра жамиятнинг маблағлари ҳисобидан қопланиши мумкин.

5.12. Биржанинг Кузатув Кенгashi ваколатларини эрта тугатиш масалаларини кўриб чиқишида акциядорларнинг навбатдан ташқари умумий йиғилишлари ушбу Низомнинг 5-иловасида кўрсатилган тартибда чақирилади.

5.13. Агар акциядорларнинг навбатдан ташқари умумий йиғилиши қонунга мувофиқ шундай хуқуққа эга бўлган акциядор (акциядорлар) томонидан чақирилса, акциядор (акциядорлар) ўз қарорини ёзма равища тузади. Қарорда акциядор (акциядорлар)нинг номи (Ф.И.Ш), акциядорнинг ваколатли мансабдор шахси (юридик шахс учун) ва акциядорга (акциядорларга) қарашли овоз берувчи акциялар сони кўрсатилади. Навбатдан ташқари умумий йиғилиш чақириш тўғрисида қарор қабул қилишда акциядор (акциядорлар) ушбу Низомнинг 4.3-бандида кўрсатилган масалаларни аниқлайди. Бундай ҳолда акциядорларнинг навбатдан ташқари умумий йиғилиши акциядор (акциядорлар) томонидан ушбу Низомларнинг IV бўлимида белгиланган тартибда чақирилади. Шу билан бирга:

- акциядорларнинг навбатдан ташқари умумий йиғилиши ўтказилиши тўғрисидаги ахборотни биржанинг расмий веб-сайтига жойлаштириш Биржа Бошқаруви томонидан акциядорнинг (акциядорларнинг) хабарномани жойлаштириш тўғрисидаги ёзма сўрови асосида амалга оширилади;

- Биржа акциялари эгаларининг реестрини шакллантириш бўйича топшириқ бевосита акциядор (акциядорлар томонидан) акциядорларнинг навбатдан ташқари умумий йиғилишини чақиришни тасдиқловчи ҳужжатлар (депо ҳисобидан кўчирма, зарур маълумотларни ўз ичига олган Акциядорларнинг навбатдан ташқари умумий йиғилишини чақириш қарорининг нусхаси, йиғилиш ўтказишни рад этиш тўғрисидаги хабарнома) ни тақдим этган ҳолда Марказий қимматли қоғозлар депозитарийсида рўйхатга олинади.

VI. УМУМИЙ ЙИҒИЛИШНИНГ КВОРУМИ

6.1. Акциядорларнинг умумий йиғилиши, агар рўйхатга олиш якунида Биржанинг жойлаштирилган овоз берувчи акцияларининг 50 фоиздан ортиқ овозига биргаликда эгалик килиб турган акциядорлар (уларнинг вакиллари) умумий йиғилишда иштирок этиш учун рўйхатдан ўтган бўлса, қарор қабул қилиш хуқуқига (кворумга) эга бўлади.

6.2. Агар кворум йиғилишнинг режалаштирилган бошланиш вақтидан бошлаб 60 дақиқа ичидаги йиғилмаган бўлса, Акциядорларнинг умумий йиғилиши ўтказилишининг янги санаси эълон қилинади.

6.3. Акциядорларнинг ўтказилмай қолган йиғилиши ўрнига такрорий чақирилган умумий йиғилиши, рўйхатга олиш тутаган вақтда, биржанинг эълон қилинган овоз бериш акцияларининг 40 фоизидан ортиқ овозига умумий ҳисобда эгалик қилган акциядорлар (уларнинг вакиллари) рўйхатдан ўтган бўлсалар, қарор қабул қилишга ҳакли деб ҳисобланади.

6.4. Агар такрорий чақирилган йиғилишда кворум тўпланмаган бўлса, акциядорлар ташаббуси билан чақирилган йиғилиш ҳақиқий эмас деб ҳисобланади ва бошқа қайта чақирилмайди; биржанинг Кузатув Кенгаши, ташаббуси билан ўтказиладиган йиғилиши Биржанинг эълон қилинган овоз бериш акцияларининг жами 40 фоизидан кўп микдорига эга бўлган акциядорларнинг (уларнинг вакилларининг) тўлиқ иштироки таъминланмагунча такроран чақирилаверади.

6.5. Агар акциядорлар умумий йиғилишининг санаси кворум бўлмаганлиги сабабли 20 кундан кам муддатга қолдирилганда, умумий йиғилишда иштирок этиш хуқуқига эга бўлган акциядорлар ўтказилмай қолган умумий йиғилишда иштирок этиш хуқуқига эга бўлган акциядорлар реестрига мувофиқ белгиланади.

VII. УМУМИЙ ЙИҒИЛИШНИНГ ИШЧИ ОРГАНЛАРИ

7.1. Умумий йиғилишнинг ишчи органлари қуйидагилардир: Раёсат, саноқ комиссияси, котиб (котибият).

7.2. Акциядорларнинг умумий йиғилиши раёсати ва раиси (Кузатув кенгаши раиси бўлмаган тақдирда) Акциядорларнинг умумий йиғилишида сайланади. Шу билан бирга, Кузатув Кенгаши раиси лавозимига кўра Акциядорлар умумий йиғилиши раёсати таркибида киради.

7.3. Акциядорлар умумий йиғилиши раиси йиғилиш раёсатига раҳбарлик қилади, йиғилишнинг ўтказилишини таъминлайди ва ўз вазифаларини тўғри бажариш учун зарур бўлган барча ваколатларга эга бўлади.

7.4. Умумий йиғилиш раиси йиғилишнинг боришини бошқаради, умумий йиғилиш ишчи органларининг ҳаракатларини мувофиқлаштиради, масалаларни муҳокама қилиш тартибини белгилайди, маърузачиларнинг чиқиш вақтини чеклайди, йиғилиш давомида ва овоз бериш жараёнида тушунтиришлар беради, залда тартибни назорат қилади.

7.5. Акциядорларнинг умумий йиғилиши раиси, акциядорларнинг илтимосига кўра, умумий йиғилиши аудио - видеоёзувга олинишига ва интернет тармоғида эфирга узатилишига рухсат бериш хуқуқига эга.

7.6. Умумий йиғилиш раиси умумий йиғилиш баённомасини имзолайди.

7.7. Овозларни санаш, акциядорларнинг умумий йиғилишида иштирок этиш учун акциядорларни рўйхатга олиш, шунингдек овоз бериш бюллетенларини чиқариш учун

Биржанинг Кузатув Кенгаши Саноқ комиссиясини тузади. Саноқ комиссияси аъзоларининг миқдори ва таркиби Акциядорларнинг умумий йиғилиши томонидан тасдиқланади.

7.8. Саноқ комиссияси таркибида уч кишидан кам киши бўлмаслиги лозим. Саноқ комиссияси функцияларини амалга ошириш учун мустақил экспертлар жалб қилиниши мумкин. Саноқ комиссиясига Биржанинг Кузатув Кенгаши аъзолари, Биржанинг Биржанинг Бошқарув аъзолари, шунингдек ушбу лавозимларга кўрсатилган номзодлар киритилмаслиги мумкин.

7.9. Акциядорларнинг умумий йиғилишида овоз бериш «Биржанинг овоз берувчи битта акцияси — битта овоз» принципи бўйича амалга оширилади, Биржанинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

7.10. Овоз бериш бюллетенлар орқали амалга оширилганда овоз бериш масалалари вариантиларидан фақат биттаси қолдирилганда ҳисобга олинанади. Юқорида кўрсатилган талабни бузган ҳолда тўлдирилган овоз бериш бюллетенлари ҳақиқий эмас деб топилади ва улардаги масалалар бўйича овозлар ҳисобланмайди.

7.11. Овоз бериш бюллетенида овозга қўйилган бир нечта масалалар кўрсатилган бўлса, бир ёки бир неча масалага нисбатан юқоридаги талабга риоя этмаслик овоз бериш бюллетенининг ҳақиқий эмас деб топилишига сабаб бўлмайди.

7.12. Саноқ комиссияси ўзига юклатилган мажбуриятларни бажариш қисми бўйича Акциядорлар умумий йиғилишининг мустақил доимий фаолият юритувчи ишчи органи ҳисобланади ва Кузатув Кенгаши таклифи билан Акциядорларнинг умумий йиғилиши томонидан сайланади.

7.13. Саноқ комиссиясининг ваколат муддати акциядорларнинг умумий йиғилиши томонидан сайланган пайтдан бошлаб акциядорларнинг тегишли (йиллик ёки навбатдан ташқари) йиғилиши томонидан саноқ комиссиясининг янги таркиби сайлангунга (ёки қайта сайлангунга) қадар давом этади.

7.14. Акциядорларнинг умумий йиғилишига тайёргарлик кўрилаётганда саноқ комиссияси Кузатув Кенгаши топшириғи билан қўйидаги функцияларни бажаради:

- акциядорларнинг умумий йиғилишида иштирок этиш ҳукуқига эга бўлган акциядорлар рўйхатини тузади;
- умумий йиғилишда овоз бериш бюллетенларини ва бошқа материалларни тайёрлайди ва юборади, берилган (юборилган) бюллетенларнинг ҳисобини юритади.

7.15. Акциядорларнинг умумий йиғилишида акциядорларнинг олдинги умумий йиғилиши томонидан сайланган саноқ комиссияси қўйидаги вазифаларни бажаради:

- умумий йиғилишда иштирок этиш учун акциядорларни (уларнинг вакилларини рўйхатга олади; • ишончномалар ва улар билан берилган ваколатлар ҳисобини юритади;
- умумий йиғилиш учун овоз бериш бюллетенларини ва бошқа маълумотларни (материалларни) тарқатади;
- умумий йиғилишининг кворуми борлиги ёки йўқлигини аниқлайди.

7.16. Таркиби ўтказилаётган Акциядорларнинг умумий йиғилишида тасдиқланган Саноқ комиссияси:

- акциядорларнинг умумий йиғилишида кворум бор ёки йўқлигини аниқлайди;
- умумий йиғилишда овоз бериш ҳукуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушуниради;
- овозга қўйиладиган масалалар бўйича овоз бериш тартибини тушуниради;

- овоз беришнинг белгиланган тартиби ва акциядорларнинг овоз беришда иштирок этиш хуқуқларини таъминлайди;
- овозларни санаб чиқади ва овоз бериш якунларини чиқаради;
- овоз бериш якунлари тўғрисида баённома тузади;
- овоз бериш бюллетенларини жамиятнинг идоравий архивига топширади.

VIII. УМУМИЙ ЙИФИЛИШНИ ЎТКАЗИШ ТАРТИБИ

8.1. Акциядорларнинг умумий йиғилишини ўтказиш тартиби (регламент) Акциядорларнинг ҳар бир умумий йиғилишида ушбу Низомга мувофиқ тасдиқланади.

8.2. Кузатув Кенгаши раиси (узрли сабабларга кўра бўлмаган тақдирда, Биржа Кузатув Кенгаши аъзоларидан бири) Раёсат ва Акциядорлар умумий йиғилиши котибини сайлаш ва саноқ комиссияси аъзоларининг миқдорини ва таркибини тасдиқлашни таклиф қиласди.

8.3. Раёсат таркибини, саноқ комиссиясини ва Акциядорлар умумий йиғилиши котибининг номзодини тасдиқлаш тўғрисидаги қарор очиқ овоз бериш йўли билан иштирок этаётган акциядорларнинг кўпчилик овози билан қабул қилинади.

8.4. Умумий йиғилишни ўтказиш тартиби йиғилишнинг мўлжалланаётган якуни, нутқларнинг давомийлиги ва танаффуслар, кун тартибидаги масалалар кетма-кетлиги, кун тартибидаги масалалар бўйича маъruzачиларнинг фамилиялари ва лавозимлари, овоз бериш ва унинг натижаларини эълон қилиш тартибини назарда тутади.

8.5. Кузатув кенгаши, ижро органи учун мукофотлар ва компенсациялар миқдори, шунингдек тақсимланадиган соф фойда миқдори, дивидендлар миқдорини асослаш, Биржанинг дивиденд сиёсати билан уларнинг мувофиқлигини баҳолаш (зарур ҳолларда, соф фойданинг маълум бир қисмини Биржанинг ривожланишига йўналтириши тушунтириш ва иқтисодий асослантириш) Акциядорларнинг умумий йиғилишида батафсил ошкор (эълон) қилиниши керак.

8.6. Йиғилиш давомида келиб чиқадиган долзарб масалаларни асосий принципдан келиб чиқсан ҳолда раис якка ўзи ҳал қиласди: Акциядорларнинг умумий йиғилишида муҳокама қилинаётган масала бўйича ажратилган вақт ичиди ҳар бир иштирокчи сўзлаш хуқуқидан фойдаланиши мумкин.

8.7. Кун тартибидаги масалалар муҳокамасида иштирок этишни хоҳловчилар умумий йиғилиш котибига муҳокамадаги масалани кўрсатган ҳолда ёзма сўров тақдим этадилар.

8.8. Кун тартибидаги барча масалалар муҳокама қилиниб, қарорлар қабул қилингандан ва овоз бериш натижаларини саноқ комиссияси эълон қилгандан сўнг, раис Акциядорларнинг умумий йиғилишини ёпиқ деб эълон қиласди.

IX. АКЦИЯДОРЛАР УМУМИЙ ЙИФИЛИШИННИГ БАЁННОМАСИ

9.1. Умумий йиғилиш котибиятининг миқдорий ва шахсий таркиби Акциядорларнинг умумий йиғилиши томонидан тасдиқланади. Биржанинг корпоратив маслаҳатчиси, корпоратив бошқарув ходими умумий йиғилиш котибиятига сайланиши (киритилиши) мумкин.

9.2. Умумий йиғилиш котиби:

- умумий йиғилиш баённомасини юритади;

• йиғилиш кун тартибидаги масала мұхокамасыда ёзма талаблар асосида иштирок этишни хоҳловчилар рўйхатини юритади;

• Акциядорлар умумий йиғилиши яқунланганидан кейин ўн кундан кечиктирмай икки нусхада Акциядорлар умумий йиғилиши баённомасини тузади.

9.3. Акциядорлар умумий йиғилишининг баённомасыда қуидагилар кўрсатилади:

• акциядорлар умумий йиғилиши ўтказиладиган сана, вақт ва жой;

• акциядорлар - биржанинг овоз берувчи акциялари эгалари томонидан тасарруф этиладиган овозларнинг умумий сони;

• йиғилишда иштирок этаётган акциядорларнинг овозлари сони;

• йиғилиш раиси (Раёсати) ва котиби, йиғилиш кун тартиби;

• чиқишлиарнинг асосий қоидалари, овозга қўйилган масалалар ва улар бўйича овоз бериш натижалари, умумий йиғилиш томонидан қабул қилинган қарорлар.

Кузатув Кенгаши аъзоларини сайлашда, Акциядорларнинг умумий йиғилишида сайланган кузатув кенгаши аъзоси мазкур йиғилиш баённомасыда қайси акциядорнинг вакили эканлиги ёки кузатув кенгашининг қайси аъзоси мустақил аъзо эканлиги кўрсатилиши керак.

9.4. Акциядорлар умумий йиғилишининг баённомаси акциядорлар умумий йиғилиши раиси ва котиби томонидан имзоланади.

9.5. Саноқ комиссиясининг баённомаси йиғилишнинг маҳсус қарори билан тасдиқланмайди, маълумот учун қабул қилинади ва умумий йиғилиш баённомасига илова қилинади.

9.6. Овоз бериш якуnlари бўйича саноқ комиссияси овоз бериш якуnlари тўғрисида саноқ комиссияси аъзолари томонидан имзоланадиган баённома тузади. Овоз бериш якуnlари тўғрисидаги баённома акциядорлар умумий йиғилишининг, шу жумладан ахборот-коммуникация технологияларидан фойдаланган ҳолда масофадан туриб ўтказиладиган умумий йиғилишининг кворуми мавжудлиги ҳақидаги маълумотни ўз ичига олади.

Овоз бериш якуnlари тўғрисидаги баённома тузилганидан ва акциядорлар умумий йиғилишининг баённомаси имзоланганидан кейин акциядорларнинг қоғоздаги ёки электрон жисмдаги овоз бериш бюллетенлари саноқ комиссияси томонидан муҳранади ва жамият архивига сақлаш учун топширилади.

X. АКЦИЯДОРЛАР УМУМИЙ ЙИҒИЛИШИ ҚАРОРИНИ ИЖРО ЭТИШ

10.1. Акциядорларнинг умумий йиғилиши томонидан қабул қилинган қарорлар ва овоз бериш натижалари акциядорлар эътиборига қуидаги тартибда ҳавола этилади:

• акциядорларнинг умумий йиғилиши яқунида (шахсан иштирок этилганда) ёки акциядорларнинг умумий йиғилиши ахборот-коммуникация технологияларидан фойдаланган ҳолда масофадан туриб ўтказилганда, акциядорларнинг умумий йиғилиши тугаганидан сўнг акциядорлар акциядорларнинг умумий йиғилиши кун тартибига киритилган ҳар бир масала ҳамда улар бўйича қабул қилинган қарорлар ва овоз бериш натижалари билан йиғилишни ўтказувчи операторнинг электрон платформасида танишиб чиқишлиари мумкин;

• акциядорлар умумий йиғилиши баённомаси тузилгандан сўнг икки иш куни мобайнида қимматли қоғозлар бозорини тартибга солиш бўйича ваколатли органнинг,

“Тошкент” РФБ ва Биржанинг расмий веб-сайтларида фактлар ҳақидаги маълумотларни эълон қилиш орқали.

10.2. Биржа акциядорлари умумий йиғилишининг баённомаси имзоланган куни Биржа Бошқарувига ижро этиш учун тақдим этилади. Акциядорлар умумий йиғилиши қарорларини ижро этиш, агар қарорда бошқача тарзда белгиланмаган ва умумий йиғилиш баённомасида акс эттирилмаган бўлса, Биржа Бошқаруви ва Кузатув Кенгаши томонидан ўз ваколатлари доирасидаги масалалар бўйича ташкил этилади.

10.3. Акциядорларнинг умумий йиғилиши қарорларининг бажарилиши устидан назоратни, агар қарорда бошқача тартиб назарда тутилмаган ва йиғилиш баённомасида акс эттирилмаган бўлса, Биржанинг Кузатув Кенгаши амалга оширади.

10.4. Акциядорлар умумий йиғилишининг қарорлари умумий йиғилишда иштирок этган ва иштирок этмаган барча акциядорлар учун уларга тегишли қисмда мажбурийдир.

XI. ЯКУНИЙ ҚОИДАЛАР

11.1. Мазкур Низом талабларини бузишда айбор бўлган шахслар белгиланган тартибда жавобгар бўладилар.

11.2. Ушбу Низом Акциядорларнинг умумий йиғилиши томонидан тасдиқланганидан кейин кучга киради.

11.3. Ушбу Низомга амалдаги қонунчиликка киритилган ўзгаришлар муносабати билан ва/ёки биржанинг Уставига киритилган ўзгаришиш ва қўшимчалар муносабати билан ўзгаришиш ва/ёки қўшимчалар киритилиши мумкин.

11.4. Ўзбекистон Республикасининг қонунчилигига ўзгаришилар киритилиши натижасида, ушбу Низомнинг айрим қоидалари қонун ҳужжатларига зид келган тақдирда, Низомнинг амалдаги қонун ҳужжатларига зид бўлмаган қисми амал қилишда давом этади. Низомнинг Ўзбекистон Республикаси амалдаги қонунчилигига зид бўлган қисмлари ўз кучини йўқотади ва Акциядорлар умумий йиғилишининг ушбу қисмдаги фаолияти Ўзбекистон Республикаси қонунчилигининг тегишли нормалари билан тартибга солинади.

**Кузатув Кенгashi ваколатларини муддатидан олдин тугатиш учун акциядорларнинг
навбатдан ташқари умумий йиғилишини ташкил этиш
ТАРТИБИ**

1. Кузатув Кенгashi фаолиятини муддатидан олдин тугатиш масаласи бүйича акциядорларнинг навбатдан ташқари умумий йиғилишини чақириш асослари:

- Кузатув Кенгашининг қарори;
- Биржа Тафтиш комиссиясининг ёзма сұрови;
- сұров санасида Биржанинг овоз берувчи акцияларининг камида беш фоизига эгалик қилувчи акциядор (акциядорлар)нинг ёзма сұрови.

2. Күрсатылған масалалар бүйича акциядорларнинг навбатдан ташқари умумий йиғилишини ўтказиши талаб қилиш сабаблари қуидагилардир:

- Ўзбекистон Республикаси қонунчилігінде, Уставга, акциядорлар умумий йиғилишининг қарорларига риоя этмаслик;
- Биржага ва акциядорларнинг мулкий хукуқларига зарап етказиши, шу жумладан молиявийхўжалик фаолиятининг сезиларли даражада ёмонлашуви, фойданинг пасайиши ва ишлаб чиқариш рентабеллігі, маҳсулот, иш ва хизматларни ишлаб чиқариш ва сотиши ҳажмининг асоссиз камайиши;
- биржанинг иқтисодий ночорлиги (банкротлиги) белгилари ёки таҳдидларининг мавжудлиги, давлат бюджетига, бюджетдан ташқари фонdlардан қарзларнинг ва ходимларга иш ҳақи тұлаш билан боғлық қарзларнинг мавжудлиги.

3. Акциядорларнинг навбатдан ташқари умумий йиғилишини ўтказиши тұғрисидаги сұров йиғилиш күн тартибига киритиладиган масалаларнинг аниқ сабаблари ва уларнинг асосланғанligини ўз ичига олган ҳолда Кузатув Кенгашига тақдим этилади.

Акциядорларнинг навбатдан ташқари умумий йиғилишини чақириш тұғрисидаги сұровда Кузатув Кенгashi ваколатларини муддатидан илгари тугатиш масаласидан ташқари күн тартибига Кузатув Кенгашининг янги таркибини сайлаш масаласи ҳам киритилиши керак.

Кузатув Кенгашинининг янги таркибини сайлаш билан боғлық масалаларни күриш чиқиши умумий йиғилишда амалдаги Кузатув Кенгashi ваколатларини муддатидан илгари тугатиш тұғрисидаги қарор қабул қилинғандан кейингина амалға оширилади.

Агар акциядорларнинг навбатдан ташқари умумий йиғилишини чақириш тұғрисидаги сұров акциядор (акциядорлар) томонидан келиб тушган тақдирда, мазкур сұров йиғилиш чақирилишини талаб қилувчи акциядорнинг (акциядорларнинг) фамилияси, исми, отасининг исми (юридик шахснинг номи) ва унга тегишли акциялар сони ва тури күрсатылған бўлиши керак.

Акциядорларнинг навбатдан ташқари умумий йиғилишини чақириш тұғрисидаги сұров унинг чақирилишини талаб қилувчи шахс (шахслар) томонидан имзоланади.

4. Кузатув Кенгashi акциядорларнинг навбатдан ташқари умумий йиғилиши күн тартибига қўйилған масалалар таҳририга ўзгартыриш киритмаслиги ва акциядорларнинг навбатдан ташқари йиғилишини умумий йиғилишини чақириш тұғрисида ёзма сұров

тақдим этилган санадан 30 кундан кечиктирмай чақирилишини таъминлаши шарт. Акциядорларнинг навбатдан ташқари умумий йиғилишини чақириш учун Биржанинг камидаги 5% лик овоз бериш акцияларига эга бўлган акциядор (акциядорлар) сўров тақдим этган кундан бошлаб 10 кун ичида Кузатув Кенгаси акциядорларнинг навбатдан ташқари умумий йиғилиши чақириш ёки уни чақиришни рад этиш тўғрисида қарор қабул қилиши керак. Кузатув Кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки уни чақиришни рад этиш тўғрисидаги асосли қарори қабул қилинган кундан эътиборан уч иш кунидан кечиктирмай чақирилишини талаб қилувчи шахсларга юборилади.

5. Кузатув Кенгашининг Акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

Биржа Кузатув Кенгаси белгиланган муддат ичида акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин.